



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

V. De scrutinio.

urn:nbn:de:hbz:466:1-15653

aut aliqui ex subditis præmissorum rebelles & inobedientes inuenti fuerint, contra tales per nos & nostros suffraganeos ad poenas grauiores procedemus iuxta canonicas sanctiones.

III.

De consuetudine.

Consuetudines quæ grauamen ecclesiis inducere * demonstrantur, inualidas publicamus, locorum ordinarii, vt in omnem euentum eis resistant, firmiter iniungentes.

IV.

De renuntiationibus.

Nullus ecclesiam, vel beneficium ecclesiasticum dimittere vel recipere præsumat sine sui superioris auctoritate; quod sub poena excommunicationis vel suspensionis omnibus firmiter inhibemus.

V.

De scrutinio.

Statuimus, quod nullus ad examen per sacrorum ordinum susceptionem aliquatenus admittatur, nisi recenter confessus fuerit omnia sua delicta idoneo sacerdoti. Et quia pauci sunt, qui sua delicta cum sequelis eorum intelligent, per districtum informatorem debet instrui ordinandus, an expediatur sibi ordinari, an vero [†] irregularitas alicuius praetextu ei potius sit abstinentia.

Item quod nullus admittatur ordinandus vel promouendus ad ordinem super vicaria, (* nisi sit perpetua vicaria) a qua non possit ad inordinatum placitum amoueri.

Statuimus insuper ad terrorem malefactorum, vt omnes episcopi prouinciae Saltzburgensis, ac eorum vicarii, quando volunt & debent suis temporibus ordinates celebrare, committant expresse examinatoribus clericorum ordinandorum sub anathematis intermissione, vt inter cetera perquirenda, fidei diligentia perquirant, sub obtentu honoris percipiendi a singulis ordinandis, vt si patres, aui, aut progenitores eorum, vñque ad quartam lineam ascendentem, captiuauerint, captiuatum detinuerint, occiderint, aut mutilarint temere

t id est, finis alicuius prauii & minus recti, & legitimii.

ANNO
CHRISTI
1420.

* hec pa-
rentia
clausula
in manu-
scripta
tibonensis
descripta.

ANNO CHRISTI 1420. clericum aliquem in sacris ordinibus constitutum, & pro clericis gerentem. Eum vero, quem in aliquo præmissorum affectum per aliquem ipsorum progenitorum usque ad lineam memoratam inuenient, si huiusmodi factum sit notorium, non admittant. Prælati quoque, vel eorum vices gerentes, quorum interest inuestire vel instituere præsentatos, ante inuestituram vel institutionem cum summa diligentia de his querant: & quos tales inuenient, nullo modo instituant ad aliquod officium vel beneficium ecclesiasticum. Examinatores insuper & prælati, ac eorum vices gerentes, qui secus in præmissis agere presumperint, in futurum suspensionis sententia percellantur: alias per locorum ordinarios grauiter puniendi, nisi cum eis fuerit misericorditer dispensatum, & ab huiusmodi reatibus apparent absoluti.

VI.

De filiis presbyterorum.

Nullus illegitime natus ad aliquem sacrum ordinem, vel beneficium aut officium curam habens animarum, sine dispensatione sedis apostolicæ admittatur in aliqua ecclesia sæculari. Et tales qui haecenus sunt admissi, si de his constiterit, per eorum ordinarios repellantur. Alioqui scienter contrarium facientes per unum mensem ab ingressu ecclesiæ nouerint se suspensos.

VII.

De officio archidiaconi.

Inhibemus episcopis, archidiaconis, prælatis, ac eorum officialibus vniuersis sub pena suspensionis, quam in omnes facientes contrarium promulgamus, ne subditis suis, aut eis qui litigant, seu litigauerint coram eis, aliquam eis faciant inhibitionem, seu impedimentum aliquod prætent, sub quocumque colore vel modo, publice vel occulte, quo minus causas suas appellationum, seu quascumque alias ad examen superiorum spectantes, libere possint * deferre.

VIII.

De officio vicarii.

Et quia ecclesiarum rectores vicariis suis adeo relin-
Concil. Tom. 29. Qqqq ij